



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1513942

**ՀՀ ՀԱՐԿԱՅԻՆ ՕՐԵՆՍԳՐՔԻ 410-ՐԴ ՀՈԴՎԱԾԻ 3-ՐԴ ՄԱՍՈՎ ՍԱՀՄԱՆՎԱԾ
ՊԱՏԱՍԽԱՆԱՏՎՈՒԹՅԱՆ ԿԻՐԱՌՄԱՆ ՎԵՐԱԲԵՐՅԱԼ**

04 նոյեմբերի 2021թ.

ք. Երևան

(կազմման վայրը)

Ակտի հասցեատեր

Ա/Ձ ՀԱՅԿ ՓԱՆՈՍՅԱՆ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

3	7	4	8	0	9	8	8
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Կ. Դեմիրճյան փ. 27/1շ.

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 03.09.2021թ-ի թիվ 1513942 որոշման համաձայն Ա/Ձ Հայկ Փանոսյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 18.10.2021թ-ին ժամը 09:40-ին, Ա/Ձ-ին պատկանող ք. Երևան, Աղբյուր Սերոբի 11/1 հասցեում գտնվող հացի արտադրամասից դուրս է եկել Ա/Ձ-ի վարորդ-առաքիչ Հրաչյա Թերզյանի կողմից շահագործվող «Օպել» մակնիշի 34 AF 528 հաշվառման համարանիշի ավտոմեքենան և կայանվել է ք. Երևան Վ. Համբարձումյան 45 հասցեի հարակից տարածքում՝ Ա/Ձ Դավիթ Դավթյանի (ՀՎՀՀ՝ 20119917) պատկանող առևտրի կետի դիմաց: ՕՀՄ-ի ընթացքում պարզվել է նաև, որ Ա/Ձ Հայկ Փանոսյանի կողմից նշված ավտոմեքենայից 18.10.2021թ-ին ժամը 09:50-ի սահմաններում Ա/Ձ Դավիթ Դավթյանին իրականացվել է՝ ընդամենը 1.600 ՀՀ դրամ արժեքով 20 հատ լավաշի մատակարարում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 1.600 ՀՀ դրամ արժողությամբ ապրանքների մատակարարման համար հարկ վճարողի կողմից 18.10.2021թ-ին ժամը 09:50-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև Ա/Ձ-ի կողմից 18.10.2021թ-ին տրված գրավոր հայտարարությամբ:

Թիվ 1513826 արձանագրությամբ 19.10.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 28.10.2021թ-ին նշանակված վարչական

վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում Ա/Ձ Հայկ Փանոսյանի կողմից ՀՀ հարկային օրենսգրքի 57-րդ հոդվածով սահմանված ապրանքի մատակարարման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ Ա/Ձ Հայկ Փանոսյանը 15.01.2021թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազօծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազօծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

Վերը նշվածից ելնելով փաստում ենք, որ Ա/Ձ Հայկ Փանոսյանի, 15.01.2021թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2021թ-ի հունվարի մեկից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 19.10.2021թ-ի թիվ 1513942 արձանագրությամբ

ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. ՀՀ ՊԵԿ ՀՕՀ վարչության 19.10.2021թ-ի թիվ 1513942 արձանագրության հիման վրա Ա/Ձ Հայկ Փանոսյանի նկատմամբ կիրառել նախազգուշացում՝ հարկային պատասխանատվության տեսակը:

2. Ընդունել ի գիտություն՝

- 1) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 2) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 3) Սույն վարչական ակտը կազմվել է երեք օրինակից:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄԵԱՅԱԿԱՆՅԱՆ

Միաժամանակ տեղեկացնում ենք, որ ՀՀ Հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը կիրառելուց հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: